

Na sowas!

I sitz aufen Bänkle vorm Bauernhäusle
und guck und genieß des schöne Land.
Und i freu mi so und i fühi mi so wohl
und die Bienli summe und da huscht gar e Mäusle!
Na sowas!

Und wahrhafti: wenn mer so sinniert,
mer hört und sieht, was een sonst net schiniert.
Was in der Natur so vor sich geht,
's is kaum zu begreife, bloß sieht's mancher net.
Na sowas!

Da schwirrt vor mir e klenne Wespe so
und i wäb net wieso und warum des so is:
I kann einfach nimmer wechguock davo,
des Tierle will mer was zeich ganz gewiß.
Na sowas!

Aufen Balke hats dann Pause gemacht,
krabblt auf e winzigs klenns Löchle zu.
Es will halt eweng ausruh, hawi gedacht:
awer nix da! Es mecht si ganz dünn im Nu
und verschwind't in dem Löchle!
Na sowas!

Es dauert eweng, die Flücheli spitze
und rückwärts krabblts dann widder raus!
Sprachlos bin i, wie gebannt bleiwi sitze
und immer widder wiederholt si des Spiel.
Na sowas!

Und i denk bei mir, was mecht se denn drin?
Jetzt wäb i's, i habs gelase! ~~imacktin~~
E Holzwespe ises ~~mal~~ gewäse,
die leecht danei ihr Eier
und ihr Kinner - Larve sins heuer! -
die fresse en richtiche Gang,
bis e Wespe draus wird, dauerts lang.
Na sowas!

Drum kommt als die Mame, leecht weiter und schwirrt
und hofft halt, daß se bal abgelöst wird.
Na sowas!

